


DS
735
A2486
1771a
V.59

University of Toronto
Library
C 400/62
ASIAN COLLECTION



御批歷代通鑑輯覽卷之一百十七

附明唐桂二王本末

唐王

乙酉我

大清

世祖章皇帝順治二年

臣等謹案明自北都淪覆宗社已墟洪惟

國家應

天順人

光宅區宇。薄海中外。咸歸正朔。福王以敗亡餘燼。偷息金

陵。首尾纔及一歲。我

皇上量同覆載。念其尚有疆域堪憑。可從建炎南渡偏安之例。特命於輯覽明紀末。分注附編。盡祛前代史家偏陋之習。大公

至正。洵足上配麟經。垂訓萬古。至唐桂二王。閩滇轉徙。已無尺土一民。草莽苟延。尤不足登諸記載。乃蒙

聖謨

指示。等於宋昱昂之流離海島。謂事蹟尚有可稽。宜著其

危亡窮蹙之形。以益稟夫天命難諶之戒。且當時遣臣故老。茹苦間關。蹈死如飴。貞心不貳。亦宜詳加闡錄。毋使湮

沒無傳。大哉

王言

仁至義盡。用示有邦之炯鑒。而立臣道之大防。至公至平。

更從來史策所莫及。臣等稟遵

諭旨謹案

實錄

紅本及明史列傳所載。參以王鴻緒史稿諸書。採撮編次。以

本朝紀年。大書提綱。凡

國家底定。鴻模與二王竊據事實。俱分條系月。臚叙其下。務

表確核。以訂傳訛。至其時殉節諸臣。均已於乾隆四十一

年。蒙恩賜諡。今隨時隨事。各加詮次。掇其大者。咸著於篇。而逐一恭

載

賜諡。庶上副

聖天子

表章忠義之盛心。而與勝朝殉節諸臣錄。亦可以互相考證云。

夏六月。我

大清兵克杭州。故明唐王聿鍵明太祖八世孫。唐端王碩奔

福建。

時

大兵已定南京。故明鎮江守將總兵官鄭鴻逵等。擁眾還

閩。沿道焚掠。

大兵進徇常州。蘇州皆下之。蘇州鄉官右庶子徐汧作書戒二子肅衣冠投虎邱新塘

橋下死。舉人楊廷樞聞變遁跡入鄧尉山中。尋受唐王命為檢討。時四方弄兵者咸指目廷樞。當事者執廷樞好言慰之。廷樞嫚罵不已。殺之蘆墟泗洲寺。徐汧字九一。楊廷樞字維斗。長洲人。汧廷樞俱賜諡忠節

留兵二千駐蘇州。大軍悉趨杭州。故明潞王常芳明穆宗孫

潞簡王翊方流寓于杭。諸臣聞福王見執。請常芳監國。

不受。不數日。

大兵至。常芳從巡撫張秉貞及陳洪範等計。率眾開門迎

降。錢塘知縣顧咸建字漢石。崑山人。臨安知縣唐自綵達州人。

邵武同知王道焜字昭平。錢塘人。皆死之。時監司及郡邑長吏多遁竄。獨咸建守官

不去。潞王既降。咸建不至。見執死。自綵與從子偕豫逃

山中。有言其陰部署為變者。遂被捕獲。與偕豫同死。道

焜投繯死。咸建自綵俱紹興諸郡悉望風納款。賜諡忠節。道焜

故明左都御史劉宗周以與馬阮不合退居山陰聞杭

州破卽慟哭不食移居郭外有勸以文謝故事者宗周曰北都之變主上自棄其社稷

無死以尚有望於中興也南都之變主上自棄其社稷尚曰可以死可以無死以俟繼起有人也今吾越又降矣老臣不死尚何待乎若曰身不在位不當與城爲存亡獨不當與土爲存亡乎此江萬里所以死也出

辭祖墓舟過西洋港躍入水中水淺不得死舟人扶出

之竟絕粒二十三日而卒宗周殉義者有諸生王毓著字元趾會稽人方宗周絕粒未死毓著上書曰願先生早自裁毋爲王炎午所弔毓著之友勸以陶淵明故事毓著

曰不然吾輩聲色中人久則難持及今早死爲愈召故交奏樂歡飲酒罷携燈出門投柳橋下死舉人祝淵字開美海寧人方葬母趣工故明文淵閣大學士高宏圖人速竣還家設祭投繯死

應天巡撫右僉都御史祁彪佳行人陸培字鯤庭錢塘人亦先

後殉節死宏圖逃野寺中絕粒死彪佳給家人先寢端坐池中死培以繩授三僕從容自縊死宏

圖。賜諡忠直彪佳。賜諡忠節。嘉興已歸附。而士紳屠象

美等復集眾據城拒守。

大兵還攻之。半月而破。故明吏部尚書徐石麒死焉。石麒時移

居郭外。聞大兵至。曰。吾大臣也。城亡與亡。豈宜苟活。復入居城中。城破。朝服自縊死。石麒。賜諡忠

懿。時唐王聿鍵以被赦出高牆。聿鍵先於崇禎間。以福

王命移居廣西平樂府。行至杭州。遇鄭鴻逵及戶部侍

郎何楷。字元子。漳州人。戶部郎中蘇觀生。字字霖。東莞人。等遂奉以入

閩。

臣等謹案。明白崇禎之季。流賊攻破京師。我

國家誕膺

脊命。光宅萬邦。

天戈所指。立就蕩平。彼唐桂二王。竄走閩滇。流離瑣尾。無

尺土之憑。而為之臣者。尚思螳臂當車。阻兵負固。跡其不知

天命敢拒顏行終膏斧鑕實所自取我

皇上擴天地為公之量

念其各忠所事蹈死如飴在當日

六師所屈不得不行逆命之誅而事後追思究無愧於

疾風勁草即其潛踪草澤從容引決者亦為克盡綱

常

特沛

恩綸曲加崇獎俾一體易名以勵臣節伏讀勝朝殉

節諸臣錄內其在唐桂二王時効節者計得專諡八

人通諡三百十有一人祀忠義祠者二百三十四人

渥典覃加漏泉普被褒闡隆施實從來史冊所未有臣等纂次二王本末謹採

撫諸臣節槩尤著者臚具簡編其所得

賜諡隨條恭載以昭

聖天子大中至正之盛心俾天下萬世共凜然於

教忠之彙

訓云

故明兵部尚書張國維等以魯王以海

明太祖九世孫魯肅王壽壻之子

稱監國於紹興

時浙江屬郡多歸降寧波惟一同知治府事已齎圖籍

迎附。故明刑部員外郎錢肅樂。字希聲。鄞縣人。力議拒守。士民

集者數萬人。肅樂乃建牙行事郡中。總兵王之仁。既納歛而悔。入城與肅

樂締盟共守。王之仁。大興人。崇禎時太監王之心之弟。聞魯王以海在台州。遣舉

人張煌言。鄞縣人。奉表請監國。會諸生鄭遵謙。會稽人。山

之子。殺招撫使於江上。與兵部尚書張國維等舉兵紹

興。給事中熊汝霖。字雨殷。餘姚人。九江兵備僉事孫嘉績。字碩

人。姚等自餘姚應之。國維自迎以海於台州。以海即日赴

紹興。用方逢年。遂安人。崇禎間大學士。議稱為魯監國。以國維為

太傅。兵部尚書。武英殿大學士。督師江上。畫錢塘而守。

以熊汝霖。孫嘉績為右僉都御史。錢肅樂為右副都御史。並督師防江。總兵官方國安。貴

人。亦自金華至。與王之仁等皆加封爵。國安。荆國公。之

謙義興伯張鵬翼永豐伯樹木城於緣江要害聯合諸營為持久計

時之仁國安兵食用寧波紹興台州三郡田賦而肅樂

兵資富室助餉不能繼恒缺食汝霖戰亦屢敗國維督

兵連陷富陽於潛會王師至國

維來拒戰于草橋門敗還遂不敢出

閏六月故明禮部尚書黃道周等以唐王聿鍵稱號於福

州

鄭鴻逵等擁唐王聿鍵至閩道周與福建巡撫都御史

張肯堂

字載寧松江華亭人

南安伯鄭芝龍等奉聿鍵稱監國鴻

逵請急正位不然無以厭衆心諸臣皆以監國名正候

出關建號未遲而擁立者豔推戴功不數日即定議稱

號於福州改年隆武以福州為天興府即布政司署為

行宮大赦進芝龍鴻逵為侯鄭芝豹鄭彩為伯兵事機

宜悉芝龍爲政。以天興建寧延平興化四府爲上游。汀州邵武漳州泉州四府爲下游。各設撫按。議簡戰守兵。自仙霞關而外。宜守者一百七十處。計兵十萬。戰兵如之。閩浙兩粵之餉。不支其半。乃請預借兩稅一年。令羣下捐俸。勸紳士輸助。徵府縣銀穀未解者。官吏督迫。閭里騷然。遣給事中楊應期入粵督餉。參遲誤。官數十員。提問無一至者。廣開事例。倡優僕隸。並列冠裳。拜謁官府。鞭撻鄰里。晉江令金允治聽訟。兩造皆稱職官。挺立而語。互毆于庭。不可制。小民不勝其擾。臣等謹案唐桂二王。雖明之支派。然唐王本疎族。桂王亦神宗庶孽。當宗邦淪覆。草竊邊隅。苟延旦夕。實不成其爲國。乃仰蒙聖訓。謂其流離失據。正與宋之昞昞。竄身閩粵者。事例相同。凡國史傳之書僞者。概令更正。茲奉詔纂次二王本末。又蒙特筆改書稱號。其諸臣仍書所授原官。仰見大聖人執中權度。進退予奪。一出千古之大公。而非向來

史家拘陋偏私者所能窺見萬一云

唐王聿鍵以黃道周爲武英殿大學士參贊機務餘授官有差。

唐王聿鍵素重道周學行禮敬備至時召何吾騶蔣德璟等未至道周爲首輔又以張肯堂爲吏部尚書何楷

爲戶部尚書郭維經

字亦修江西南龍泉人

爲吏部侍郎蘇觀生爲

翰林學士禮部侍郎

設儲賢館分十二科招四方士令觀生領之至者多庸流聿鍵亦厭

而罷其事尋超拜觀生

東閣大學士參預機務鄭芝龍鴻逵兄弟橫甚一日聿

鍵賜宴芝龍以侯爵欲位道周上道周與爭衆議抑芝

龍文武大不睦

有諸生上書詆道周迂不可居相位聿鍵知出芝龍意下督學御史撻之聿

鍵將郊天芝龍兄弟稱疾不出何楷言禮莫大於郊二

勲臣不陪祀。無人臣禮。聿鍵獎其風節。命掌都察院事。鴻達扇殿上。楷呵止之。兩人益怒。楷知不為所容。請告去。途遇盜截其一耳。則芝龍使部將楊耿為之也。

秋七月我

大清兵定江西。

先是

大兵至九江。故明寧南侯左良玉子夢庚率所部三十六

營來降。江西巡撫曠昭

遂寧人。

棄南昌走瑞州。列城望風

奔潰。故明益王由本

明憲宗六世孫。益敬王常遷之子。

在建昌。與布政

使夏萬亨

字元禮。崑山人。

副使王養正

字聖功。泗州人。

知府王域

字元壽。松

江華人。

推官劉允浩

掖縣人。

南昌推官史夏隆

宜興人。

等舉兵

拒守

南昌諸生鄧思銘集其儕數十人為庠兵後城破俱死

閱三日有客兵為內

應城即破由本奔旗塘佛舍尋歸唐王聿鍵于福州萬

亨等械至南昌俱死之

萬亨等五人俱賜諡烈愍

新城知縣譚夢

開迎降民潛導守關兵殺之夢開餘黨與民互相殘彌

月不靖唐王聿鍵以李翔

邵武人

為新城知縣禽殺餘黨

率民兵出城拒敵

大兵自間道入城民兵皆散翔與御史徐伯昌

新城人

俱死

之

翔伯昌俱賜諡節愍

大兵進克袁州廣信

袁州同知署府事李時輿自縊於萍鄉官舍廣信同知胡甲桂見執自經

死

時輿福清人甲桂字秋卿崑山人俱

賜諡節愍

遂收吉安長驅至萬安

曠昭

見執死知縣梁于溪死之

賜諡節愍

于溪

會故明益宗永寧王

慈炎招連子峒土兵數萬。復陷建昌。入撫州。考功主事

揭重熙

字祝萬。臨川人。

文選主事曾亨應

字子嘉。臨川人。

皆舉兵與相

犄角。南贛巡撫李永茂遣副將徐必達拒泰和。未幾戰

敗。永茂奔贛州。慈炎亦以糧盡退保建昌。

大兵追獲殺之。

曾亨應。一日方宴客。

大兵至。宗族死。

遂見執。并執其長子筠。

亨應。顧筠曰。勉之。

一日千秋。無

自負。筠曰。諾。受刑先死。釋亨應。縛諭之。降。不答。遂戮之。

又總兵謝上達。副總兵王坤。

參將賴明標。游擊蕭奠邦。

都司汪一貴。守備杜有聲。

都督蔡欽。金世任。副將林引

等。俱見執死。

亨應。

賜諡烈愍。

上達。坤。明。

江西諸

標。與邦。一貴。有聲。欽。世任。引。俱

賜諡節愍。

江西諸

郡皆平。惟贛州未下。適唐王聿鍵手書至贛。加左庶子

楊廷麟兵部尚書。修撰劉同升

字晉卿。吉水人。

國子祭酒。廷麟

同升乃與永茂集士大夫於明倫堂。勸輸兵餉。協謀舉

事立忠誠社招致四方之士各率家丁自資糧入社者幾三萬人

唐王聿鍵遣其大學士黃道周以兵出江西

唐王聿鍵好學通典故然國勢衰微兵食困乏政歸鄭氏諸大帥多選懷觀望聿鍵不能有所為鄭芝龍鴻達屢薦其私人為清要官聿鍵不從以是懷怨望

大清遣御史黃熙允

晉江人

招撫福建熙允與芝龍同里芝龍

密使通款聿鍵屢促出兵輒以餉詘辭道周知芝龍終無意出關乃自請募兵江西號召羣帥聿鍵給空劄百函以七月二十二日啟行僅齎一月糧以虛聲鼓動得卒九千餘人從廣信出衢州

聿鍵以周定初為右僉都御史巡撫廣信詹兆恒為

兵部侍郎。萬文英為兵部員外郎。監道周諸軍。胡奇偉為湖東副使。與兵科給事中胡夢泰同守廣信。定初南昌人。兆恒。字月如。永豐人。文英亦南昌人。奇偉進賢人。夢泰字友齋。鉛山人。道周所至。撫安遺黎。聯絡聲勢。遠近頗響應。

八月我

大清兵克松江

先是南京既亡。列城俱下。而州縣多聚兵自保者。嘉定

士民推左通政侯峒曾

字豫瞻。給事中震暘之子。

為主。與進士黃淳

耀

字蘊生。

等誓死固守。江陰諸生許用亦倡言城守。以典

史陳明遇主兵出戰不勝。乃請前典史閻應元

字麗亭。通州人。

已遷英德主簿。道阻不赴。寓居江陰。

入城。屬以兵事。

大兵力攻城。應元守甚固。而松江在籍兵部右侍郎兩廣

總督沈猶龍

字雲升

借中書舍人李待問

字存我

羅源知縣

章簡

字坤能

等亦募壯士數千人守城。會吳淞總兵官吳

志葵自海入江。結水寨於泖湖。總兵官黃蜚擁千艘自

無錫至。猶龍聯絡二帥而叅將侯承祖

字懷玉。金山衛人。世襲指揮使。

守金山衛。遙相應援。

大兵至嘉定。峒曾乞師於志葵。志葵遣游擊蔡祥以七百

人赴之。戰敗而遁。外援遂絕。城中矢石俱盡。天雨城圯。

大兵入。峒曾等並死之。

峒曾拜家廟。率二子元清。元潔。沈于池。淳耀入僧舍。索筆書絕命詞。

自縊死。其弟淵耀從之。舉人張錫眉。董用圖。諸生馬元調。唐全昌。夏雲蛟。俱死之。峒曾。淳耀並

賜諡忠節。

至是。

大兵進取松江。志葵輩敗于春申浦。城遂被圍。未幾而破。

猶龍出走。中矢死。待問守東門。簡守南門。俱見執死之。
猶龍。賜諡忠烈。待問。賜諡忠節。簡。賜諡

節。愍。

大兵遂攻金山。承祖與子世祿猶固守。城破。巷戰踰時。父

子俱死。

承祖見獲。說之降。曰。吾家食祿二百八十年。今

獲同死焉。

承祖。賜諡忠烈。

志葵輩亦就執。至江陰城下。令說城中

人降。

蜚不語。志葵說之。

迄不應。

大兵悉眾攻圍。四面發大砲。城中死傷無算。堅守自如。八

月二十一日。

大兵從祥符寺後城入。眾猶巷戰。男婦投池井皆滿。明遇

用。及中書舍人戚勳。

字伯屏。江陰人。

皆舉家自焚。應元赴水。被

曳出。斬之。

應元。賜諡忠烈。明遇。勳。俱

時崑山人亦議拒守。而縣丞閻茂才已

賜諡烈。

遣使迎降。用爲知縣。縣人共執殺茂材。推前狼山副總兵王佐才爲主。與貢生陶集璜及儀封知縣周室瑜諸生陶琰陳大任等共舉兵。大兵至。迎戰敗還。遊擊孫志尹戰歿。城破。佐才縱民出走。而已冠帶坐帥府見殺。集璜投東禪寺後河死。室瑜琰大任同死之。事在是年七月。又有故明瑞昌王誼汭者。結衆謀犯江寧。事洩。與經畧常爾韜總兵楊三貫夏含章等俱死。又有崇陽王者。率兵來寇歙縣。爲我兵所敗。其總兵閔士英鄭鵬遠俱見執死。又高安王常淇與監軍道江于東等據婺源之小坑。遂平王紹鯤職方主事楊謨等擁衆太湖。遙應。魯王亦先後見執而死。事俱在順治三年。佐才志尹俱賜諡烈愍。室瑜爾韜三貫含章士英鵬遠于東謨俱賜諡節愍。

唐王聿鍵以黃景昉呂大器路振飛朱繼祚

莆田人。

曾櫻

字仲

含。峽江人。俱爲大學士。

初振飛總督漕運。謁明鳳陽皇陵。唐王聿鍵方以罪錮守陵中官虐之。振飛捕治其尤甚者。以私錢助之。而上

疏乞槩寬罪宗。竟得請。聿鍵甚德之。及稱號福州。卽拜

振飛左都御史。振飛赴召。道拜文淵閣大學士。至則大

喜。與宴抵夜分。撤燭送歸。解玉帶賜之。聿鍵每責羣臣怠玩。振飛因進

曰。上謂臣僚不改因循。必致敗亡。臣謂上不改操切。亦未必能中興也。上有愛民之心。而未見愛民之政。有聽

言之明。而未收聽言之效。喜怒輕發。號令屢更。見羣臣庸下。而過於督責。因博覽書史。而務求明備。凡上所長

者。皆臣下所甚憂也。其言曲中聿鍵之短云。櫻嘗爲福建叅政。力保鄭芝龍。

芝龍感次骨。薦之聿鍵。起爲工部尙書。兼東閣大學士。

無何。令掌吏部。而移張肯堂於都察院。聿鍵所置閣臣

至多。前後幾三十人。然不令票旨。皆聿鍵親爲之。時肯堂請

出募舟師。由海道抵江南。倡義旅。而聿鍵由仙霞趨浙東。與相聲援。聿鍵乃加肯堂少保。給勅印便宜從事。擢

文選郎中。朱永祐爲吏部右侍郎。福州推官徐孚遠爲兵科給事中。從行。二人皆肯堂里人也。鄭芝龍懷異心。

陰沮之。
不成行。

故明靖江王亨嘉

靖江王守謙十世孫

自稱監國。唐王聿鍵執殺之。

亨嘉世封桂林。聞南京破。招集諸蠻起兵。自稱監國。謀

僭號。召廣西巡撫瞿式耜。

字起田常熟人

式耜拒不往。而檄思

恩叅將陳邦傳助防。止狼兵勿應。亨嘉調亨嘉下梧州。

執式耜。幽之桂林。遣人取其敕印。初。式耜議立桂王常

瀛子安仁王。及唐王聿鍵監國。式耜以爲倫序不當立。

不奉表勸進。至是爲亨嘉所囚。乃遣使賀聿鍵。因乞援。

聿鍵喜。而亨嘉爲兩廣總督丁魁楚

永城人

所攻。勢窘。乃

釋式耜。式耜與中軍官焦璉。召邦傳共執亨嘉。械送福

州。廢爲庶人。殺之。聿鍵封魁楚平粵伯。留鎮兩廣。擢式

耜兵部右侍郎協理戎政。以晏日曙代之。式耜不入閩。退居廣東。

魯王以海遣兵犯杭州。敗還。

魯王將方國安王之仁自富陽渡江犯杭州。總督張存仁遣將督兵迎擊。斬首四千級。其餘衆尙據富陽。

大兵進敗之於關頭。追奔二十餘里。斬國安子士衍。初。馬士英擁殘兵渡江。欲謁魯王以海。以海諸臣力拒之。乃投方國安軍。尋復與國安聯兵。謀窺杭州。爲

大兵所敗。溺江死者無算。士英國安乃聚衆江東赭山。杭州朱橋。范村等處。所在肆掠。

大兵進勦。國安水軍數萬盡殲焉。

九月我

大清兵入湖廣。流賊李自成竄死。其衆降於唐王聿鍵。

初。李自成旣走陝西。

大兵攻潼關。僞伯馬世耀迎戰。敗死。潼關破。自成遂棄西安。由龍駒寨走武岡。入襄陽。復走武昌。

大兵兩道追躡。連蹙之。鄧州。承天。德安。武昌。富池口。桑家河。九江。窮追至賊老營。大破之者八。當是時。左良玉東下。武昌虛無人。自成屯五十餘日。衆尙五十餘萬。改江夏曰瑞符縣。尋爲

大兵所迫。部衆多降。或逃散。自成走延寧蒲圻。至通城。竄於九宮山。是月。自成留李過守寨。而自率二十騎畧食。

山中為村民所困不能脫自縊死

或曰村民方築堡見賊少爭前擊之人馬

俱陷泥淖中自成腦中鋤死剗其衣得龍衣金印賊一

目村民乃大驚疑為自成也時大軍遣識自成者驗其

尸朽莫辨獲自成兩從父偽趙侯偽襄南侯及自成妻

妾二人金印一又獲偽汝侯劉宗敏偽總兵左光先等

斬自成從父其將劉體仁郝搖旗等以眾無主義歸故

及宗敏於軍

明湖廣總督何騰蛟

字雲從貴州黎平衛人

率四五萬人驟入湘

陰長沙人不知其歸降也懼甚攝偏沅巡撫傅上瑞

武定

人請騰蛟出避騰蛟曰死於左死於賊一也何避焉

長沙

知府周二南請往偵之以千人護行賊謂其迎敵也射殺之從行者盡死城中益懼

二南蒙化人

與監軍荆西道僉事章曠

字于野松江華亭人

謀遣部將萬大鵬

等往撫致騰蛟手書召之曰公等歸朝誓永保富貴搖

旗等大喜與大鵬至長沙騰蛟開誠撫慰宴飲盡歡搖

旗招其黨袁宗第。藺養成。王進才。牛有勇。皆歸騰蛟。驟

增兵十餘萬。未幾自成兄子錦。即李過改名。奉自成妻高氏。

及高氏弟一功。復擁衆三十萬。驟至澧州。乞降。故明湖

南巡撫堵允錫。字仲緘。無錫人。議撫之。騰蛟亦馳檄至。允錫乃

躬入其營。開誠慰諭。稱詔犒軍。皆踴躍拜謝。允錫即軍中宴之。導

以忠孝大義數千言。明日高氏出拜。謂錦曰。堵公。唐王

天人也。汝不可負。別部田見秀。劉汝魁等亦降。唐王

韋鍵大喜。加允錫兵部右侍郎。兼右僉都御史。總制其

軍。手書獎勞錦等。皆賜名授官。號其營曰忠貞。置之荆

州。授錦前部左軍。一功右軍。並掛將軍印。封列侯。賜錦

名赤心。一功名必正。封高氏貞義夫人。有司建坊題

曰淑贊中興。騰蛟慮赤心跋扈。他日過其營。請見高氏

再拜。執禮恭。高氏悅。戒其子毋忘何公。赤心自是無異

志。允錫亦深相結。倚以自強。然赤心

書疏。猶稱自成先帝。稱高氏太后云。自成亂天下二十

年。陷帝都。覆廟社。其衆數十萬。悉歸騰蛟。一時詫異事。而騰蛟上聿鍵疏。但言元兇已除。稍洩神人憤。宜告謝郊廟。卒不言已功。聿鍵拜騰蛟東閣大學士。兼兵部尚書。封定興伯。仍督師。騰蛟固辭封爵。不允。令規取江西。

冬十月我

大清兵克徽州。

先是徽州聞南京破。故明知府秦祖襄及僚屬皆遁。推

官溫璜

初名以介。字于石。烏程人。

歎曰。城無主。民且自相屠。乃盡攝

其印。召士民慰諭之。故明左僉都御史休寧金聲糾集

義勇。保績溪黃山。分兵扼六嶺。璜與相犄角。且轉餉給

其軍。前山東巡撫邱祖德

字念修。成都人。

職方郎中尹民興

字宣

子時流寓涇縣

監紀推官吳應箕

字次尾貴池人

等多聚兵應之聲乃

遣使通表唐王聿鍵聿鍵授聲右都御史兼兵部右侍郎總督諸道軍聲遣兵取旌德寧國諸縣會故御史黃澍降於

大清導

王師間道襲破之執聲至江寧聲語門人江天一

字文石歙縣人曰

子有老母不可死對曰天一從公起兵可不同公殉義

乎

總督洪承疇諭降天一朗誦明莊烈帝諭祭承疇文以誚之

遂與中軍吳國楨副

將陳有功守備萬全遊擊余元寅俱死

總兵范雲龍及聲弟經亦死於

旌德應箕見獲死祖德退還山中

大兵攻拔其寨不降磔死

民興走免唐王聿鍵以爲御史事敗卒于家

諸生舉

兵者有寧國麻三衡

字孟璿布政使溶之孫

沈壽堯

字景山都督有容之子

等亦俱敗死

宣城諸生吳漢超復舉兵連陷句容溧水高淳涇溧陽太平諸縣夜襲寧國兵潰城

中按首事者漢超已出城念母在且恐累族人入見曰首事者我也剖其腹膽長三寸

璜猶嚴兵

自守黃樹復以城獻璜闔門死之

璜趨歸村舍先刃其長女語妻茅同殉茅

匿其幼子遂整衣卧璜以刀截其喉少頃茅呼曰未也再刃乃絕璜自刎不殊絕粒五日以手自抉其創而死

金聲吳應箕俱

賜諡忠烈吳國慎陳有功萬全余元寅范雲從俱

賜諡

節愍

唐王聿鍵遣使於魯王以海魯王以海不受

唐王聿鍵使給事中劉中藻

福安人

頒詔浙東時求富貴

者爭欲應之魯王以海下令將返台州熊汝霖獨出檄

嚴拒不納張國維馳疏上聿鍵

畧言國當大變凡為高皇帝子孫臣庶所宜同

心併力共圖興復成功之後入關者王且監國當人心
渙散之日鳩集爲勞一旦南拜正朔鞭長不及悔莫可
追臣老矣豈敢朝秦暮楚有所左右于其間哉
聿鍵乃召中藻還自是閩浙如
水火矣

臣等謹案唐王假息閩海曾王竊據紹興其地正相
唇齒乃不能同心協力各圖擅地竊號稱尊而其臣
又復懷挾私心自分畛域一則拒其使命一則戮及
使臣彼此猜嫌竟成水火以敗逃窮蹙之時蠻觸紛
爭偷安旦夕宜乎
天兵飛渡越閩不旋踵而削平也

唐王聿鍵妃曾氏至福州

曾氏警敏頗知書每羣臣奏事妃於屏後聽之共決進
止聿鍵頗嚴憚焉

我

大清兵攻吉安還屯峽江

先是。

大兵屯泰和。故明副將徐必達戰敗。楊廷麟乃大亨士於贛州城西。與劉同升乘虛復取吉安。臨江唐王聿鍵命加廷麟兵部尚書。兼東閣大學士。賜劍便宜從事。是月大兵進攻吉安。必達迎戰大敗。赴水死。必達。賜諡節愍。會廣東援兵至。

大兵還屯峽江。

聿鍵召南贛巡撫李永茂為兵部右侍郎。以張朝綱代甫任事。復擢萬元吉兵部右

侍郎。總督江西湖廣諸軍。召朝綱還。以劉同升代之。元吉至贛。同升已卒。遂以元吉兼巡撫。

十二月唐王聿鍵自福州駐於建寧。

時楊廷麟等請聿鍵出江右。何騰蛟請出湖南。浙中諸將請出衢州。蘇觀生以事權悉為鄭氏所握。請聿鍵出

贛州。聿鍵遣觀生先行。赴贛州募兵。以曾櫻、鄭芝龍留守福州。司轉餉。十二月。聿鍵發福州。駐建寧。廣東布政使湯來賀運餉十萬。由海道至。聿鍵擢來賀戶部侍郎。然兵食匱乏。人心離散。迄不能成軍也。

唐王聿鍵督師。大學士黃道周兵敗於婺源。死之。

道周進至婺源。遇

大清兵戰敗。其將程嗣聖陣亡。道周見執。諸軍潰走。

大兵追至開化。總兵曾德、黃光輝、副將蔡瑋、龍勝、陳辰等

俱死。

嗣聖、德、光輝、瑋、勝、辰俱賜諡節愍。

道周至江寧。幽別室中。從容

著詩文數卷。聞當刑。書絕命詞。衣帶間。過東華門。坐不起。曰。此與高皇帝陵寢近。可死矣。監刑者從之。幕下士

中書賴雍。平和人。考二人姓名。蔡紹謹。龍溪人。紅本作蔡雍。賴繼謹。兵部主

事趙士超。閩縣人。廣信通判毛玉潔。六合人。考毛玉潔。紅本作毛至潔。遊

擊朱家第等皆死之。廣信尋亦為泰自縊死。萬文英赴水死。周定初

胡奇偉及都司劉芳伯黃國治參將謝民才王之樞監紀官李奇餘千知縣楊時秀兵部員外郎戴伍儒守備

陳壽陳傑總兵江天衢推官王象乾胡佩遊擊胡接輝廣信同知胡嘉桂等俱死之。詹兆恒奔懷玉山。聚眾數

千人自保。已進犯開化縣。兵敗歿於陣。攝撫州事同知高飛聲遣人懷印走謁唐王聿鍵而身守城死焉。飛

聲字克正。長樂人。道周。賜諡忠端。雍。紹謹。士超。王潔。家第。俱。賜諡烈愍。夢泰。文英。定初。奇偉。芳伯。國

治。良才。之樞。奇。時秀。伍儒。壽傑。天衢。象乾。佩。接輝。嘉桂。俱。賜諡節愍。兆恒。賜諡忠烈。時唐王

聿鍵又以大學士傅冠。寧元甫。賢人。為督師。辦湖東兵事。瀘

溪告警。冠不能救。為給事中揭重熙所劾。或又言其嗜

酒。乃許致仕。久之。

大兵至冠死之。冠寓居門人泰寧汪亨龍家。亨龍執以獻有司。不屈。修于汀州。血漬地。久而猶鮮。汀

人歎其忠冠。賜諡忠烈。

丙戌我

大清

世祖章皇帝順治三年春正月。唐王聿鍵遣將分道出兵。不果行。

鄭芝龍知物論不平。不出關。無以弭衆議。乃請以鄭鴻

逵爲左先鋒。出浙江。鄭彩爲右先鋒。出江西。築壇行推

轂禮。鴻逵出城。馬蹶仆地。各擁衆數千。號數萬。既出關。

託候餉。仍駐不行。鴻逵駐仙陽鎮。慮有上書言事者。聿

鍵檄催孔亟。不應。彩行百里而還。稱餉缺。留如故。時芝

通款于我。朝。聿鍵不知也。曾魯王以海遣都督陳謙使閩。趙超不敢入。芝龍與謙有舊。以書招之。謙入見。

書稱叔父而不稱陛下。聿鍵大怒。下謙于獄。芝龍疏救。不聽。有御史錢邦芭者。為聿鍵言。謙與芝龍至交。不急除。恐有內患。聿鍵即命誅謙。或以告芝龍。芝龍曰。刑人于市。必過我門。我且命停刑。願以我官職贖謙罪。當不死。聿鍵命移謙別所斬之。芝龍奔赴哭極哀。由此怏怏不悅。益懷異志矣。邦芭鎮江人。

二月。唐王聿鍵移駐延平。

聿鍵決意出汀州入贛。與湖南為聲援。鄭芝龍不欲聿

鍵行。令軍民數萬人遮道呼號。擁聿鍵不得行。遂駐延

平。吏部司務王士和字萬育金谿人。疏陳時政闕失。凡數千言。

聿鍵命刊賜文武諸臣。且召士和入對。嘉獎備至。擢兵

部主事。未一月。擢延平知府。聿鍵以事殺建陽知縣施燦。邵武知府吳收煒。推官

朱健。曾櫻力救。不聽。人情惴恐。原任兵部郎中王期昇。御史彭遇颺。自浙中遁至。聿鍵加期昇總督。遇颺僉都

御史。路振飛等封還內降。謂遇颺依附馬士英。期昇在太湖。奉朱盛徵稱通城王。派餉苛虐。不可用。聿鍵乃止。

三月唐王聿鍵遣使勞魯王軍於紹興。

魯王以海復遣柯夏卿曹惟才聘於唐王聿鍵聿鍵加

夏卿兵部尚書惟才光祿寺卿手書報以海曰吾無子

姪同心戮力共拜孝陵吾有天下終致于遣僉都御史

王浙東所用職官盡列朝籍無分彼此

陸清源平湖人齎餉銀十萬兩犒勞浙東軍士方國安縱

兵盡奪其餉留清源軍中後國安敗清源自沉于江且

出檄數聿鍵罪張國維歎曰曲在我矣時以海兵力孱弱武將橫甚競

營高爵請乞無厭兵部尚書余煌上言今國勢愈危朝

政愈紛尺土未復戰守無資諸臣請祭則當思先帝烝

嘗未備請葬則當思先帝山陵未營請封則當思先帝

宗廟未享請蔭則當思先帝子孫未保請諡則當思先

帝光烈未昭時以為名

言煌字武曾會稽人

我

大清兵克吉安。遂圍贛州。

楊廷麟自吉安赴贛。將朝唐王聿鍵。以萬元吉代守吉

安。初崇禎末。命中書舍人張同敞

江陵人。居正之孫。

調雲南兵。

及抵江西。而南京已破。因退還吉安。廷麟留與共守。其

將趙印選。胡一青。頻立功。而元吉約束甚嚴。諸將漸不

悅。時有廣東兵亦以赴援至。而張安者。汀贛間峒賊四

營之一。驍勇善戰。爲廷麟招降。有取撫州功。且招他營

盡降。唐王賜名龍武新軍。元吉以安等爲足恃也。蔑視

滇粵軍。滇粵軍解體。然安卒故爲賊。淫掠自如。廷麟遣

援湖西。所過無不殘破。至是。

大兵攻吉安。諸軍皆內攜。新軍又先往湖西。不時至。城中

不戰潰。城遂破。元吉退屯皂口。檄諭贛州。極言雲南兵棄城罪。其衆遂西去。

大兵進至皂口。元吉不能禦。退入贛城。

大兵乘勝進圍之。唐王兵部侍郎劉士楨促新軍張安赴援。安宵遁。廷麟遣使調廣西狼兵。而身往雩都。召新軍

來救。戰於梅林。再敗。廷麟乃散其兵。入贛與元吉憑城

守。

給事中楊文薦。元吉門生也。奉使往湖南。過贛。見事急。自任守禦。城中賴之。江西巡撫劉遠生。自出城。召

其將張琮於雩都。贛人曰。撫軍遁矣。怒焚其舟。拘其妻子。俄遠生率琮兵至。贛人乃大悔。遠生憤甚。渡河再戰。皆敗。見獲復逃歸。援軍皆不敢前。會李永茂遣廣東兵五千至。

大兵爲解圍。屯於水西。未幾。圍復合。城中

拒如初。時贛困守久。唐王聿鍵獎勞之。賜名忠誠府。加元吉兵部尚書。文薦右僉都御史。命郭維經爲吏兵二部尚書。兼右副都御史。總理湖廣江西廣東浙江福建軍務。督師往援。維經與御史姚奇允募兵八千人入贛。

州與廷麟元吉同守時東鄉安仁貴溪瑞州餘干萬年諸郡縣俱聚兵遙應閩中大兵分道進剿先後克捷擒斬故明文武官甚衆其死于東鄉者有副將傅潛龍參將黃騰都司文而武守備劉威振等在安仁則有參將傅鼎乾都司徐德守備洪士邦等在貴溪則有總兵陳輝汪碩畫副將汪洋監紀知縣廖汝健等在瑞州雞公嶺棠山一帶則有副將黃英都司敖高參將晏性等在餘干萬年則有都司趙祖參謀舒奇謀等姚奇允字有僕錢塘人自傅潛龍以下十六人俱賜諡節愍

夏六月我

大清兵克紹興魯王以海遁入海

征南大將軍貝勒博洛等以五月二十日抵杭城魯王以海諸軍列營錢塘江東岸綿亘二百餘里艤舟江上以待

大兵未具舟楫不能渡忽江沙暴漲水淺可涉二十七日

大兵策馬徑渡。方國安盡棄戰艦。拔營走紹興。劫以海南行。江上各營聞報。一時俱潰走。六月一日。

大兵入紹興。國安決計獻以海來降。遣人守之。會守者病。以海得脫。至台州。航海走。命張國維防遏四邑。圖後舉。

國維還守東陽。知勢不可支。作絕命詩三章。赴水死。國維。

賜諡忠敏。兵部尚書余煌等皆死之。煌赴水。舟人拯起之。居二日復投深處。乃

死。大理少卿陳潛夫走山陰化龍橋。偕妻妾二孟氏同赴水死。職方主事高岱偕其子朗躍入海死。兵部主事

葉汝楨與妻王氏同死。禮部侍郎陳函輝從以海航海已而相失。哭人雲峯山投水死。諸生諸暨傅日炯鄞縣

趙景麟浦江張君正瑞安周欽堯永嘉鄒之琦等皆殉義死。潛夫字元倩錢塘人。岱字魯瞻汝楨字衡生俱

會稽人。函輝字木叔臨海人。煌潛夫函輝俱賜諡忠節。岱汝楨俱賜諡忠愍。

大兵進克金華。督師大學士朱大典闔門死。大典。賜諡烈愍。時

以海至石浦。定西侯張名振從之。至舟山。守將黃斌卿

不納。乃浮海至廈門。遂走南澳。方國安方逢年俱來降。尋以蠟丸書通閩。搜得

誅死。阮大鍼在方國安軍。亦偕謝三賓。宋之晉等。赴江

干降。從大兵攻仙霞關。僮仆石上死。士英擁殘兵

欲入閩。唐王聿鍵不許。會大兵勦湖賊。士英與吳

易俱禽獲。斬之。事具國史。而野乘載士英遁台州

山寺。為僧。為大兵搜獲。尋得其與大鍼通。閩疏。斬

之。延平城下。大鍼方遊山。自觸石死。仍僂屍云。吳易

字曰生。吳江人。與舉人孫兆奎。諸生沈自駒。白炳。吳福

之等。聚兵長蕩。唐王聿鍵授為兵部尚書。魯王以海封

為長興伯。大兵至。俱被獲死。總兵程槐。沈茂。職方

主事倪曼倩。監軍道朱世昌。通判馮時敏。評事馮一鷺

與易等俱死。時太湖中阻兵者甚眾。有鎮南伯金公玉。安撫許耕奇。徐明道。參將李世忠。總兵王元震。史宏弼。田希成。毛濟宇。同知吳任蘭。藩鎮汪碩德。參謀陸美初。副將施子昭。及朱大定。曹辰。沈君晦等。俱先後被獲死。兵科給事中陳子龍。方遁跡為僧。魯王以海授以兵部侍郎銜。潛謀結太湖兵舉事。事露被獲。乘間赴水死。易。槐。茂。曼倩。世昌。時敏。一鷺。公玉。耕奇。明道。世忠。元震。宏弼。希成。濟宇。任蘭。碩德。美初。子昭。俱賜諡節愍。

子龍。賜諡忠裕。閩中大震。鄭芝龍假言海寇入犯。須往備禦。

拜疏卽行。盡撤兵回安平鎮。守關將士皆隨之。仙霞嶺

二百里間。遂空無一人。

臣等謹案魯王竊據紹興。方恃錢塘爲天險。及

天心助順。

大兵壓境。

江水斷流。頃刻畢濟。不數月浙閩盡平。與元兵至

臨安。江潮三日不至者。神應尤異。至張國維等援立

監國。擁戴旁支。稱名本爲不正。乃以其抒忱効命。亦

得蒙恩錫諡。同荷表章。臣等編纂唐桂二王本末。謹以魯王諸

臣事實。隨條附載。俾天下後世咸知

聖代褒忠之典。甄錄無遺。

實爲至公。且溥云。

秋七月。我

大清兵克衢州。

唐王聿鍵巡按金衢二府兼視學政御史王景亮

字武侯。吳

江衢州知府伍經正。安福人。推官鄧巖忠。江陵人。皆不屈死。

魯王以海所遣鎮將張鵬翼及伯吳凱總兵項鳴斯等

亦死之。江山知縣方召。宣城人。集父老告之曰：兵且至，吾

義不當去。然不可以一人故致闔城被誅。若輩可迎附。

遂封其印。冠帶自縊死。景亮經正、巖忠、召、凱、鳴斯俱賜諡節愍。鵬翼賜諡烈。

愍。初，楊文驄走處州。唐王聿鍵以在鎮江時與之有舊，

拜為兵部侍郎兼右僉都御史，提督軍務，令圖南京。至

是聞衢州告急，命與誠意伯劉孔昭共援衢。

大兵至，文驄不能禦，退走。為追騎所獲，與監紀職方主事

孫臨。字武公，桐城人。俱不降，戮死。臨，賜諡節愍。文驄以馬士英黨，廷議不與諡。

八月，我

大清兵克建寧

鄭鴻逵駐關外。聞兵至。徒跣疾走。三日而抵浦城。唐王
聿鍵聞之。削鴻逵爵。

王師至仙霞嶺。關門無一守兵。遂從容過嶺。長驅直入。然
大兵入閩者。或由建。或由汀。或由福寧。俱走山谷間。不必

仙霞嶺也。唐王巡撫上游四府。兼領關務。鄭為虹。字天玉。江

都人。亟還浦城。縱士民出走。自守空城。無何。城破。為虹與

給事中黃大鵬。字文若。建陽人。並死之。為虹。故浦城知縣。唐王

部民相率乞留。乃令以御史巡關。尋擢巡撫。鄭芝龍步
將奪民舟為梁。為虹叱責之。芝龍訴於聿鍵。聿鍵為諭
解乃已。至是殉難。又巡撫楊廷清。李暄。亦俱為
兵所獲。死之。為虹。賜諡忠烈。大鵬。賜諡烈

愍。廷清。暄。俱
賜諡節愍。

唐王聿鍵奔汀州。我

大清兵克延平。

閩中自鄭芝龍去後。羣情益離沮。

唐王聿鍵視朝。命內侍出一篋。示羣臣曰。

吾賴諸卿擁戴。越在海隅。布衣蔬食。曉夜焦勞。正是上為祖宗。下為百姓。惟恐負卿等立君之意。昨關上主事搜得閩中出關迎降書二百餘封。今具在此。吾不欲知其姓名。令錦衣衛官對衆焚之。卿等宜無負初終也。

唐王聿鍵決計赴贛。何騰蛟亦遣郝永忠

即郝搖旗改名。來迎。

將至韶州。會仙霞關敗。問至。聿鍵遂以八月二十一日。

自延平倉卒出走。留兵部侍郎曹履泰偕延平知府王

士和居守。猶載書十餘篋自隨。抵順昌。聞追兵且至。騎

而奔。數日方至汀州。延平警報叠至。士和召父老曰。吾

雖一月郡守。當與城存亡。若等可速出。毋使數萬生靈。

盡膏斧鑕。衆泣。士和亦泣。退入內署。謂友人曰。吾一介書生。數月而忝二千石。安敢偷生。其友勸止之。正色曰。君子愛人以德。姑息何爲。從容正衣冠。閉戶投繯死。士和。

賜諡節愍。

大兵遂克延平。

臣等謹案唐王自擅號福州。不能裁抑鄭氏。以致孱削。日甚上下離心。逮我王師深入。閩南寸土實無地可以潛踪。乃當汀劍崎嶇。覆亡不暇。猶載書篋以自隨。此與梁湘東王之焚書江陵。稱文武道盡者如出一轍。尤可嗤鄙也。

我

大清兵至汀州。獲唐王聿鍵。福建平。

唐王聿鍵在汀州。

大兵奄至。從官奔散。聿鍵與妃曾氏俱就執。給事中熊緯聞難奔赴。遇

大兵死之。總兵官都督僉事胡上琛奔還福州。謂家人曰。吾世臣。不可苟活。為我採毒草來。與妾劉氏共

飲藥酒而死。熊緯字文江。南昌人。賜諡烈愍。胡上琛。福州衛人。世襲指揮使。賜諡節愍。曾氏

至九瀧。投於水。聿鍵死於福州。陽曲王盛渡西河。王盛

通簡等。故明總兵姜正希率兵二萬復來襲汀州。乘夜

登城。

大兵擊敗之。斬萬餘級。又破總兵師福於分水關。入崇安

縣。巡撫楊文忠見執死。文忠。賜諡節愍。遂襲克福州。唐王禮

部尚書曹學佺。字能始。侯官人。等並死之。通政使馬思理自縊

避之山中。有欲薦令出者。乃拜辭家廟。從容入室。自經

死。兵科給事中郭符甲戰敗。身被數創死。馬思理長

樂人。郭符甲。晉江人。俱賜諡節愍。王瑞。柘

字聖木。永嘉人。與曹學佺俱賜諡忠節。

御批歷代通鑑輯覽 卷一百一十七 附明史 三

大軍駐福州。分兵徇漳泉諸郡縣。相繼下。閩地悉平。鄭芝龍自安平奉表來降。其子成功。成功初名森。唐王聿鍵賜以國姓。改名成功。不從。芝龍既入朝。成功與鄭鴻逵、鄭彩等。各率所部叛入海。

冬十月。我

大清兵克贛州。

故明總督萬元吉素有才。莅事精敏。及失吉安。士不用命。昏然坐城上。對將吏不交一言。隔河

大兵營遍麓。元吉指爲空營。兵民從

大兵營中至者。言軍勢甚盛。輒叱爲間諜。斬之。贛州受圍

既久。諸道援兵稍集。

元吉部將汪起龍率師數千。雲南援將趙印選。胡一青率師三千。大

學士蘇觀生遣兵亦如之。兩廣總督丁魁楚諸將欲戰。亦遣兵四千。楊廷麟又收集散亡得數千。

元吉欲待水師至并力。而中書舍人袁從鶚

一作來從鶚。郴州人。

募砂兵三千。吏部主事龔葵

南昌人。

兵部主事黎遂球

美字

周番人。

募水師四千。皆屯南安不敢下。兵部主事王其寧

安福人。

謂元吉曰。水師帥羅明受。海盜也。桀驁難制。葵遂

球若慈母之奉驕子。且今水涸。巨舟難進。豈能如約。不

聽。

大兵聞水師將至。卽夜截諸江。焚巨舟八十。死者無算。明

受遁還。舟中火藥戎器盡失。於是兩廣雲南軍皆不戰

而潰。他營亦稍稍散去。會聞汀州破。人情益震懼。守者

亦疲甚。

大兵用嚮導夜登城鄉勇猶巷戰黎明兵大至城上發砲
砲炸城遂破部將擁元吉出城元吉歎曰爲我謝贛人

使闔城塗炭者我也我何可獨存遂赴水死楊廷麟走

西城投水死按紅本作城上殺死郭維經入嵯峨寺自焚死姚奇

允自縊於文廟楊文薦病困不能起執送南昌絕粒而

死維經賜諡忠節奇允賜諡忠節元吉文薦俱一時同殉者

太常寺卿管湖西兵備僉事彭期生字觀我海鹽人而下凡數

十人期生冠帶自縊死職方主事周瑚不屈磔死龔葵

給事中萬發祥戶部主事林琦兵部主事柳昂霄曾嗣

武錢謙亨中書舍人劉孟鉤劉應試推官署府事吳國

球監紀通判郭寧登臨江推官胡鎮贛縣知縣林逢春
皆不屈就戮鄉官盧觀象盡驅男婦大小入水乃自沈
死舉人劉日佐偕母妻弟婦子姪同日死叅將陳烈數
力戰衆以其弟已降于

大清疑之。烈益奮勇疾鬪。及見執。其弟勸之降。不聽。顧謂
人曰。今日方知我無二心也。乃就僇。又通判淦君鼎。副
總兵馬觀鵬。叅將朱永盛。兵部主事於斯昌。訓導程必
進。中書龍嘉震。湖東道姚生文。推官吳世安。亦俱不降
死。周瑚。大名人。王明汲。金壇人。萬發祥。新喻人。林琦。
閩縣人。曾嗣武。寧都人。劉孟錫。劉應試。俱安福人。胡纘。
桐城人。淦君鼎。建昌人。馬觀鵬。順德人。朱永盛。汀州人。
於斯昌。黃岡人。程必進。松陽人。龍嘉震。太和人。姚生文。
仁和人。吳世安。歸安人。期生。茶觀象。必進。嘉震。生文。世
安。俱賜諡節愍。其寔。遂球。從鶚。明汲。發祥。琦。昂霄。
嗣武。謙亨。孟錫。應試。國球。寧登。纘。逢春。烈。
君鼎。觀鵬。永盛。斯昌。俱賜諡烈愍。

EAST ASIAN LIBRARY
UNIVERSITY OF TORONTO LIBRARY

不刊凡个天金甫

卷之二十一

三

御批歷代通鑑輯覽卷之一百十八

附明唐桂二王本末

桂王一

丙戌
我

大清

世祖章皇帝順治三年冬十一月故明兵部尚書丁魁楚兵部侍

郎瞿式耜等以桂王由榔

明神宗孫桂王常瀛次子

稱號于肇慶

初桂王常瀛卒于梧州長子安仁王由棖襲封未幾病

卒由榔當嗣爵會唐王聿鍵敗死報至粵中故明總督

尚書丁魁楚侍郎瞿式耜巡按御史王化澄與舊臣呂

大器李永茂晏日曙湯來賀董天閔朱治澗周鼎瀚方

以智朱容藩林佳鼎程源等議所立乃共推由榔桂太

妃王氏曰。諸君何患于無君。吾兒仁柔。願更擇可者。魁

楚等請益堅。遂以十月十四日。稱監國于肇慶。以魁楚

大器。式耜並為大學士。魁楚兼戎政尚書。大器兼兵部尚書。式耜兼吏部右侍郎。永

茂請終制。化澄以下進爵有差。未幾聞

大兵已破贛州。司禮太監王坤。即王肇基。崇禎朝監餉宣

効。福王時奔南京。福王敗。復入閩。唐王聿鍵棄不用。又入粵。事由榔。命掌司禮監。遂擅政事。倉卒奉

由榔奔梧州。式耜等力爭不得。時大學士蘇觀生奉唐

王聿鍵命。募兵南安。亦退入廣州。遣職方主事陳邦彥

字令斌。順德人。奉表勸進。甫入謁。而觀生在廣州。別議立唐王

聿錫。事具後。邦彥不知也。夜二鼓。由榔召入舟中。魁楚侍

語以廣州事。邦彥請急還肇慶。正大位以繫人心。命南

雄勅卒取韶。制粵東十郡之七。而委其三于唐王。代我受敵。從而承其敝。由榔大悅。魁楚式耜等乃定議。迎由榔復還肇慶。十一月十八日。遂稱尊號。改年永歷。以肇慶府署爲行宮。

臣等謹案前代宦官之禍。至明最烈。始于王振。而極于魏忠賢。履霜堅冰。其漸已非一日。桂王當大厦既傾。親見宗邦淪喪。由于閣寺橫行。尤宜疾首痛心。乃甫稱尊號。而卽令王坤進掌司禮監。干政擅權。倉卒奔梧州。以致衆志乖離。馴召劉承允之亂。及坤被逐。而龐天壽等先後用事。諸臣依附。朋黨交爭。迄入緬而未已。在桂王閭閻。受制奄豎。固無足怪。獨是桀倖流毒相仍。旣已覆明宗社。卽此阡危餘燼。而堅持故局。雖國亡而其敵未燬。禍敗所鍾。遂與明一代相爲終始。其亦可爲歎息痛恨者矣。

故明大學士蘇觀生等。以唐王聿錡稱號于廣州。

丁魁楚等之將立桂王由榔也。蘇觀生欲與共事。魁楚

素輕之。且欲專定策功。慮其以舊相居已上。拒不與議。
呂大器亦以其非兩榜。叱辱之。觀生愠甚。適唐王聿鍵
弟聿鏐嗣爲唐王者。與大學士何吾騶自閩浮海至。南
海關捷先。番禺梁朝鍾首倡。兄終弟及。議觀生遂與吾
騶及布政使顧元鏡。侍郎王應華。曾道唯。總兵林察等
擁立聿鏐。改年紹武。就都司署爲行宮。封觀生建明伯。
騶等秩擢捷先吏部尚書。旋與元鏡。應招海上鄭石馬
華。道唯。並拜東閣大學士。分掌諸部。
徐四姓盜授總兵等官。與肇慶相拒。時倉猝舉事。治宮
室服御鹵簿。通國奔走。夜中如晝。不旬日。除官數千。冠
服皆假之優伶。市人傳以爲笑。

桂王由榔遣兵攻唐王聿鏐。不克。

桂王由榔遣給事中彭耀順德人主事陳嘉謨齎敕往諭

唐王聿錕。至廣州。以諸王禮見。備陳宗支倫序。及監國

先後語甚切至。因歷詆蘇觀生諸人。觀生怒。執耀殺之。

嘉謨亦不屈死。耀嘉謨俱賜諡節愍。卽日發兵攻肇慶。以番禺人陳

際泰督師。由榔遣兵部右侍郎林佳鼎帥兵赴三水。佳

鼎故粵中監司。與林察同姓相善。察使羣盜詐降。佳鼎

信之。乘勝追至三山口。亂作。全師皆覆。佳鼎同僉事夏

四敷赴水死。佳鼎四敷俱賜諡節愍。時肇慶大震。瞿式耜視師峽

口。以王化澄代佳鼎督師。呂大器辭官入蜀。遂以化澄

爲尚書。起李永茂爲大學士。未幾亦罷。

臣等謹案桂王竄跡嶺南。據手掌之地。勢尤危窘。聿錕本唐王親弟。誼出本支。乃當望風瓦解之時。爲同

室操戈之舉而爲之臣者方各挾其主以爲奇貨爭城奪地攻戰逾時此與燕雀處堂何異至彭耀陳嘉謨等銜命出使抗詞被殺雖律以大義與疆場致命者有殊乃猶

念其臨難捐軀不失臣節竟得一例邀恩賜諡褒錫

仁至義盡史冊以來實所未聞也

十二月我

大清兵克廣州獲唐王聿錡廣東平

蘇觀生旣敗肇慶兵意自得務粉飾爲太平事而委任

關捷先及梁朝鍾捷先小有才便筆札朝鍾善談論浹

旬三遷至祭酒有楊明競潮州人者好爲大言詭稱精兵

滿惠潮間可十萬卽特授惠潮巡撫又有梁鑒者妄人

也觀生才之用爲吏科都給事中與明競大納賄賂日

薦用數十人。觀生本乏猷略。兼總內外任。益昏瞶。招海盜資捍禦。其衆白日殺人。懸肺腸于貴官之門。以示威。城內外大擾。時

大兵由福建趨潮州。惠州俱下之。長吏皆降附。卽用其印。移牒廣州報無警。觀生信之。是月十五日。聿鏐視學。百僚咸集。或報

大兵已逼。觀生叱之曰。潮州昨尚有報。安得遽至此。妄言惑衆。如是者三。

大兵已自東門入。觀生始召兵搏戰。兵精者皆西出。倉猝不能集。觀生乃自縊死。觀生走梁鎰所問計。鎰曰。死爾復何言。觀生入東房。鎰入西房。各拒戶自縊。觀生慮其詐。稍留聽之。鎰故扼其吭。氣湧有聲。且推几仆地。久之寂然。觀生信爲死。遂自縊。明日。

帝崩。宦者之舉而為之臣者。方各挾其主。以為奇貨爭。

鑒獻其

屍出降。

朝鍾及太僕寺卿霍子衡。

南海人。

行人梁萬爵。

字

苦番

禹人。新城知縣廖翰標。

龍門人。

等皆死之。

朝鍾聞變赴池。為隣人救出。自

劉死。子衡召三子訓以死節。朝服北向拜。又易緋袍拜。

家廟。先赴井死。妾莫氏從之。子應蘭。應荃。應芷。及其妻

各繼之。有小婢見之。亦赴井死。萬爵赴水死。翰標自縊

死。朝鍾。萬爵。翰標。俱賜諡節愍子衡。

聿鏐方事閔射。急易服踰垣。匿王應華家。俄縋城走。

為追騎所獲。饋之食。不受。曰。我若飲汝一勺水。何以見

先人地下。投繯而絕。周益遼等二何吾騶及應華等悉

降。

桂王由榔奔梧州。

由榔司禮太監王坤用事。銓政軍務。任意顛倒。數以內

批授官。由榔諸臣爭之。不聽。給事中劉鼎疏劾坤。幾得

罪。瞿式耜力救乃免。及是聞廣州已破。肇慶大震。式耜請駐峽口。坤不從。以朱治澗爲兩廣總督。守肇慶。趣由榔出走。以二十二日乘輕舟上西峽。遂奔梧州。

我

大清兵至順慶。流賊張獻忠伏誅。其黨孫可望。李定國。白文選等潰走川南。

獻忠據成都。遣僞將軍分屠各府州縣。川中民盡。乃謀窺西安。盡焚成都宮殿廬舍。夷其城。率衆出川北。又欲盡殺川兵。僞將劉進忠故統川兵。聞之。率一軍逃會。

大兵至漢中。進忠來奔。乞爲鄉導。至鹽亭界。大霧。獻忠曉行。猝遇。

大兵於鳳凰坡中矢墜馬蒲伏積薪下於是

大兵擒獻忠出斬之降及敗死者三十萬其黨偽平東

將軍孫可望偽安西將軍李定國偽撫南將軍劉文秀

偽定北將軍艾能奇偽都督白文選馮雙禮等俱潰走

川南時故明川中諸將競擁兵自固督師大學士王應熊及王祥在遵義

巡撫馬乾副將會英在重慶監軍副使范文光及曹勛在洪雅監軍僉事詹天顏在松茂譚宏譚詣在夔萬兵

部侍郎總督川陝軍務樊一衡在納溪居中調度與應熊會瀘州尅期並進王祥綦江人馬乾吳縣人范文

光內江人詹天顏龍巖人重慶會英兵最强可望等率殘卒驟至英

出不意戰敗死于江英諡節愍賊遂陷綦江督師大學

士王應熊退走永寧山中尋病卒於畢節衛踰月賊陷遵義入

貴州境

大兵追至重慶。故明巡撫馬乾敗死。

乾諡忠節。

賜

遂入遵義。

以餉乏旋師。王祥等因復取保寧二郡。故明總督侍郎

樊一蘅再駐江上。為復窺全蜀計。乃列上善後事宜。及

諸將功狀於桂王。由榔。由榔拜一蘅戶兵三部尙書。加

太子太傅。祥等進爵有差。

臣等謹案孫可望李定國等。本張獻忠義子。自

王師定蜀。卽南走滇中。旋附桂王。受其爵號。從前明史各

傳。

聖明指示。以可望定國等身為賊黨。其所稱平東安西等

號。皆獻忠偽授。自應重加貶絕。書賊書偽。以正其罪。

聖慈裁度。未可遽從僭偽之例。故君則正其稱號。臣則目

深仁。

大度等量兩儀。彼指瑯琊為僭晉。斥梁益為偽朝者。豈足

語於

建中之極

則乎。

丁亥我

大清

世祖章皇帝順治四年春正月我

大清兵克肇慶。桂王由榔奔桂林。

由榔既西走。瞿式耜兼道趨赴。由榔已越梧州而西。

大兵自廣州向肇慶。總督朱治澗棄城去。由榔走平樂。

大兵入肇慶。遣別將徇高雷二府。進取梧州。巡撫曹華迎

降。由榔欲走依何騰蛟于湖廣。丁魁楚王化澄皆棄由

榔去。

化澄走潯州。魁楚走岑溪。輜重多。舳艫相連。屬爲

數百人殺之。

魁楚乞一子。成棟笑曰。

惟式耜及吳炳與

汝身且莫保。尚求活人耶。并殺之。

人時為由榔字元聲宜與人時吳貞毓為由榔戶部尚書等從乃由平樂

抵桂林湖南副使陳象明以徵餉在廣西聞廣東地盡失檄調土兵與陳邦傳連營東至梧州榕樹潭

遇大兵戰敗死之陳象明以吳炳方以智為大

學士同式耜入閣辦事以智遣使勞何騰蛟趣其兵入

衛徵四川文安之夔陵雲南王錫哀祿豐入閣錫哀以

能達安之亦不至以周堪賡郭都賢劉遠生等為六卿丁時魁

金堡等為給事中馬吉翔掌錦衣衛吉翔本京師游獵

丁魁楚令獻捷于唐王聿鍵聿鍵喜其應對敏捷擢為

錦衣衛使至是以使忠貞營復命益以柔媚得由榔意

二月我

大清兵克平樂桂王由榔奔全州以其大學士瞿式耜留守

桂林。

大兵襲平樂克之。潯州相繼破。由榔大恐。會武岡鎮將劉

承允以兵至全州。王坤請赴之。瞿式耜極陳桂林形勢。

請由榔堅守。

略言留粵則粵在。去粵則粵危。我進一步人亦能進一步。我去速一日。人來亦能速

一日。去而不守。則拱手送矣。

由榔不聽。自請留守。許之。進文淵閣大

學士。兼吏兵二部尚書。賜劍便宜從事。以麾下焦璉為

總兵。

初由榔為張獻忠所執。璉率眾攀城上。破械出之。由榔病不能行。璉負之以行。由榔以此德璉。用破

靖江王功。命為參將。至是進總兵。

封陳邦傳為思恩侯。守昭平。由榔遂

走全州。

四川賊孫可望。李定國等率眾入貴州。

孫可望等率眾入黔。故明布政使張耀

字融我。三原人。

急言於

巡撫米壽圖。宛平人。請發兵民守禦。壽圖以衆寡不敵。難

之。俄賊衆突至貴陽。耀率家丁乘城拒擊。與寧知縣吳

子騏。字九達。戶部主事劉瑄。同知楊元瀛等。亦以鄉兵拒

賊。賊來益衆。子騏等戰敗。被執死。城遂陷。賊執耀。說之

降。耀大罵不屈。遂與家屬十三人同見殺。壽圖出奔沅

州。可望等陷安平。僉事曾益拒守。力屈死。陷平壩衛。戶部郎中譚先哲。寧前兵備叅議石聲和。俱闔門殉難。

犯定番州。鄉官顧人龍。率士民拒守。殺賊甚衆。城破。大

罵而死。張耀。賜諡忠烈。吳子騏。譚先哲。賜諡烈愍。劉瑄。楊元瀛。曾益。石聲和。俱賜諡節愍。顧人龍。賜祀忠義祠。

三月。我

大清兵攻桂林。

由榔既出奔。桂林危甚。其總督侍郎朱盛濃走靈川。巡

按御史辜延泰走融縣。布政使朱盛調副使楊垂雲。桂林知府王惠卿以下皆遁。惟瞿式耜與通判鄭國藩縣丞李世榮及都司林應昌李當瑞沈煌在焉。由榔令兵部右侍郎丁元華代盛濃。御史魯可藻代延泰未赴。而大兵已薄桂林。以騎數十直入文昌門。登城樓。瞰式耜公署。式耜卽令焦璉拒戰甚力。而身立矢石中。與士卒同甘苦。積雨城壞。吏士無人色。式耜督城守自如。故人無叛志。援兵索餉而譁。式耜括庫不足。妻邵捐簪珥佐之。旣而劉承允所遣援桂兵五千人在城。與璉兵主客不和。擊傷璉。大掠城中而去。璉兵亦出城赴黃沙鎮。城幾破者數矣。會

大兵東還。桂林始獲全。

四川賊孫可望。李定國等率衆入雲南。

先是雲南土官沙定洲

王弄山長官司沙源之子。

作亂。逐故明黔國

公沐天波。

黔寧王沐英裔孫。以總兵官世鎮雲南。

盤踞會城。傳檄州縣。全

滇震動。天波走楚雄。巡撫吳兆元不能制。許爲奏請鎮

滇。定洲遂西追天波。分巡金滄副使楊畏知

寶雞人。

說天

波走永昌。而已以楚雄當定洲。定洲至。畏知給與結盟。

而乘間清野繕堞。徵鄰境援兵。姚安景東俱響應。定洲

聞之。不敢至永昌。還攻楚雄。不能下。畏知伺賊懈。輒出

擊。殺傷甚多。定洲築長圍困之。迄不能下。至是孫可望

等聞滇亂。兼程趨滇。稱黔國焦夫人弟來復仇。

定洲之亂。天波

母妻皆走城北自焚死。民久困沙兵喜其來迎之。定洲故可望假復仇爲名。

解楚雄圍去禦於草泥關大敗遁歸阿迷可望破曲靖

及交水俱屠之。巡按雲南御史羅國瓛方按部曲靖與知府焦潤生俱被執可望欲降之國瓛

不屈攜至昆明自焚死潤生亦不屈死都司經歷徐道與方署師宗州事集士民固守及賊入署道與大罵賊

令出迎其將道與擲酒盃擊之罵不絕口遂被殺羅國瓛嘉定州人焦潤生上元人修撰弘子徐道與睢州人國瓛

賜諡忠烈潤生賊遂由陸涼宜良入雲南賜諡節愍道興

南城。右僉都御史朱壽琳以桂王由榔命募兵雲南可望至壽琳知不免張麾蓋往見之行三揖禮曰謝

將軍不殺不掠之恩可望脅之降不從繫他所使人誘以官亦不從從容題詩於壁或以詩報可望遂遇害

壽琳魯府宗室家兗州。賜諡節愍分遣李定國徇迤東諸府而自與

劉文秀等率兵西出畏知禦於啓明橋兵敗投水不死

踞而罵可望下馬慰之曰聞公名久吾爲討賊來公能

共事相與匡扶明室。非有他也。畏知瞪目視之曰。給我爾。可望曰。不信。當折矢誓。畏知因要以三事。不用獻忠。偽號。不殺百姓。不擄婦女。可望皆許諾。乃與至楚雄略。

定大理諸郡。使文秀至永昌迎天波歸。

時永昌推官王運開攝監司事。

通判劉廷標攝府事。方發兵守瀾滄。而天波已降。可望諭兩人以印往。兩人堅不予。永昌士民聞賊所至屠戮。泣請納款紓禍。兩人慰遣之。既去。兩人相謂曰。衆情如此。吾輩惟一死自靖爾。是夕。運開先自經。廷標聞之曰。我老當先死。王公乃先我耶。遂沐浴賦詩三章。亦自經。可望等重兩人死節。求其後。或以運開弟運閔對。即聘之。行至潞江。謂其僕曰。吾兄弟可異趣耶。吾死。若收吾骨。與兄合葬。遂躍入江死。運開字子朗。夾江人。廷標字霞起。上杭人。俱賜祀忠義祠。而定國之徇臨安者。與定節愍。運閔。

洲部目李阿楚力戰。破其城。殺城中官民七萬八千餘。

人。盡掠子女而回。所過無不屠滅。

姚安陷。姚州知州何思舉人席上珍不屈。

死。舉人金世鼎自殺。晉寧陷。知州冷陽春殉節死。舉人段伯美。諸生余繼善。耿希哲。助陽春城守。亦殉難。呈貢陷。知縣夏祖訓死之。富民陷。貢生李開方率妻子同死。其友諸生王朝賀掩埋訖。卽自經。在籍知縣陳昌裔。不受僞職。爲賊杖死。兵科給事中廖履亨。楚雄舉人杜天禎。亦先後死之。冷陽春。右阡人。夏祖訓。嘉興人。何思夏。祖訓。陳昌裔。廖履亨。俱。賜諡烈愍。席上珍等。俱。賜諡節愍。冷陽春。於是

迤西八府。以畏知在軍得保全。而迤東之殺。與獻忠同

慘。可望遂據雲南。

後二年。可望復遣定國攻定洲。旣至。會定洲土目楊嘉者。方迎定洲。就其

營宴。定國偵得之。率兵圍營。相拒數日。乃出降。遂械定洲及其妻萬氏數百人回雲南。剝其皮市中。萬氏本江西寄籍女。淫而狡。先爲阿迷土官普名聲妻。後改嫁定洲。遂併有其地云。

我

大清兵克長沙。

始唐王聿鍵旣死。故明總督何騰蛟在湘陰。厲兵保境。

如平時。桂王由榔進騰蛟武英殿大學士。加太子太保。至是。平南大將軍恭順王孔有德等帥師下湖南。桂王總兵王進才。故守益陽。聞之。退保長沙。與狼兵將軍遇春。鬪。揚言乏餉。大掠而去。并及湘陰。

大兵進逼長沙。進才走湖北。騰蛟不能守。單騎走衡州。湖南巡撫章曠亦走寶慶。

大兵遂克長沙。湘陰。

先是劉承允受騰蛟節制。騰蛟以藤

溪之捷。請加郝永忠援剿左將軍。張先壁援勦右將軍。承允怒。及長沙既失。承允遂奏解騰蛟兵柄。召之入朝。先壁奏劾承允專擅。騰蛟反和解之。會聞先壁提兵至寶慶。承允懼。又請命騰蛟督諸鎮兵駐衡州。

夏四月。桂王由榔爲其將劉承允劫遷於武岡州。

由榔之至全州也。劉承允迎奉頗如禮。旣而跋扈不可

制。逐司禮監王坤於永州。矯由榔命。晉己爵爲安國公。總督戎政。賜尚方劍。封其弟承永武岡伯。錦衣指揮馬吉翔文安伯。郭承昊太和伯。嚴雲從清江伯。御史毛壽登爭之。吉翔怒。激承允脅由榔。杖壽登及劉湘客。吳德藻萬六吉。於牙門外。承允又力爲申救。得免。皆奪職。六部九卿科道。頌承允功德者。章無虛日。至是聞

大兵將至。承允揚言瞿式耜已通降。欸逼由榔。卽日發全州。移居武岡。改曰奉天府。張先壁欲與承允爲難。伏兵邀於路。由榔甫渡河。浮橋斷。獲免。先壁遂大掠新寧。承允請敕諭解。久之始去。自是由榔政事。皆決於承允矣。桂王由榔遣兵犯荊州。敗走。

由榔令李赤心等攻荊州。月餘。

大兵來援。赤心等大敗。步走入蜀。數日不得食。乃散入施州衛。聲言就食湖南。劉承允懼爲赤心所併。計非堵允錫不能禦。乃加允錫東閣大學士。封光化伯。賜劍便宜行事。允錫疏請得給空勅。鑄印頒賜秦中舉兵者。時頗議其專。

桂王由榔兵科給事中陳邦彥以兵犯廣州。敗走。

初。邦彥見桂王由榔於肇慶。擢兵部給事中。遣齎勅還諭蘇觀生。邦彥聞使臣彭耀被殺。遂變姓名入高明山中。及

大兵已定廣州。列城悉下。邦彥乃潛謀起兵。有余龍者。本

萬元吉所募兵未行而贛州失。龍等千餘人無所歸。聚甘竹灘爲盜。他潰卒多附。至二萬餘人。桂王總督朱治澗招降之。未幾謀歸。而唐王所置廣西巡撫張家玉。字元子。東莞人。亦與舉人韓如璜結鄉兵。陷東莞城。籍前尙書李覺斯等貲以犒士。奉表桂王。由榔由榔進家玉兵部尙書。尋爲

大兵擊敗。如璜戰死。家玉走西鄉。

家玉祖母陳。母黎。妹石寶。俱赴水死。妻彭。被執。

不屈死。

邦彥見粵西危急。說龍乘間圍廣州。而已發高明

兵由海道入珠江。與龍會。且移家玉書曰。桂林累卵。但得牽制毋西。潯平間可完葺。是我致力於此。而收功於彼也。家玉以爲然。邦彥遂與龍聯兵犯廣州。圍其城。龍

卒故無紀律。

大兵自桂林還救。揚言取甘竹灘。龍等顧其家。輒退。邦彥

亦却歸。

大兵以廣州之圍。謀出邦彥。求其家。獲妾何氏及二子。厚遇之。為書招邦彥。邦彥判書尾曰。妾

辱之子。殺之。身為忠臣。義不顧妻子。既乃遣門人馬應芳會龍軍。陷順德。

無何。

大兵至。龍戰敗。應芳被執。赴水死。龍再戰黃連江。亦敗。歿。

大兵攻家玉於新安。

時西鄉大豪陳文豹奉家玉陷新安。襲東莞。

文豹等皆死。李覺斯怨家玉甚。發其先塋。毀其家廟。盡滅家玉族。市井為墟。家玉過故里。號哭而去。道得眾數

千。復陷龍門。博羅。連平。長寧。歸善。諸州縣。還屯博羅。邦彥乃棄高明。收餘眾。徇下

江門。據之。

五月。我

大清兵克衡州

故明總兵盧鼎方從何騰蛟駐衡州。而張先璧兵突至。大掠。鼎不能抗。走永州。先璧遂挾騰蛟走祁陽。又間道走辰州。騰蛟脫還。走永州。甫至。鼎部將復大掠。鼎走道州。騰蛟與督餉侍郎嚴起恒浙江山陰人走白牙市。

大兵遂克衡州。初。騰蛟建十三鎮以衛長沙。黃朝宣。張先璧。劉承允。李赤心。郝永忠。袁宗第。王進才。董英。馬進忠。馬士秀。曹志建。王允成。盧鼎。皆開鎮湖南北。故時稱十三鎮。大抵李自成餘黨及左良玉舊將也。至是皆自為盜賊。衡州守將黃朝宣來降。

大兵數其罪。支解之。遠近大快。尋進克永州。以一知府守之。故明副將周金湯莆田人知城內虛。夜鼓譟而登。知府

出走。金湯復陷。永州。

魯王以海遣兵犯崇明。

以海既航海走南澳。復走長垣。以熊汝霖爲大學士。封鄭彩建國公。鄭遵謙義興侯。張名振定西侯。阮進蕩湖伯。遣兵犯海口。鎮東據之。連陷海澄。漳浦諸縣。王師旋復漳浦。以海所置知縣洪有文死之。至是遣其總督水師兵部右侍郎沈廷揚。字季明。崇明人。率舟師北窺崇明。抵福山。次鹿苑。夜分。颶風大作。舟膠於沙。爲

大兵所執。諭之降。不從。戮死。

洪有文。沈廷揚。

賜諡節愍。賜諡忠節。

六月。桂王由榔召其督師大學士何騰蛟。人武岡。尋遣還。騰蛟在白牙。由榔密遣中使告以劉承允專恣罪。令入

武岡除之。騰蛟乃以兵事屬章曠。而走謁由榔於武岡。由榔及其太妃皆召見。承允由小校以騰蛟薦至。大將稱門生。已漸倨。騰蛟在長沙。徵其兵。承允大怒。言先調黃朝宣。張先璧軍。皆章曠親行。今乃折箠使我。遂馳至黎平。執騰蛟子。索餉數萬。子走訴騰蛟。騰蛟遣曠行。承允乃至。騰蛟爲請於由榔。得封伯。且與爲姻。承允益驕。至是忌騰蛟出已上。欲奪其權。請用爲戶部尙書。專領餉務。由榔不許。由榔召騰蛟圖承允。騰蛟固無如承允何也。騰蛟無兵。由榔命以雲南援將趙印選。胡一青。兵隸之。及辭還。賜銀幣。命羣臣郊餞。承允伏千騎襲騰蛟。印選卒力戰。盡殲之。騰蛟乃還駐白牙。章曠移駐永州。見諸大將擁兵。

聞警輒走。
抑鬱而卒。

臣等謹案明季督撫姑息將校結爲師生互相黨庇以致軍法玩墮劉承允因何騰蛟薦亦稱門生其後跋扈反噬而騰蛟竟不能制蓋積弊相沿雖騰蛟之忠盡有所不免終至召侮長奸亦可知錮習之入人者深也。

秋七月桂王由榔遣兵陷平樂梧州諸郡。

由榔大學士瞿式耜遣總兵焦璉連取陽朔及平樂陳邦傳由賓州取潯合兵陷梧州於是廣西全省地復爲由榔所據由榔封式耜臨桂伯璉新興伯式耜請由榔返全州又請還桂林皆不許。

魯王以海以兵犯福州敗走。

以海遣兵犯漳州復率鄭彩阮進等犯福州敗還旋襲

據連江。進陷長樂。永福。羅原。寧德諸縣。

八月。我

大清兵克武岡。桂王由榔奔柳州。

時

大兵克常德。寶慶。直趨武岡城外。馬吉翔挾由榔倉猝走

靖州。命其大學士吳炳。分道護由榔世子走城步。吏部

主事侯偉時

人公安

從之。既至。城已爲

大兵所破。遂就執。

炳至衡州。不食。自盡於湘山寺。偉時亦死之。炳。

賜諡忠節。偉時。

賜諡

烈。劉承允以武岡降。叅將謝復榮戰死。兵部尙書傅作

霖。冠帶坐堂上。承允力勸之降。不從。戮死。

作霖妾鄭有姝色。就執。驅

之過橋。躍入水中死。

復榮。

賜諡忠節。由榔遂自靖州奔柳州。

賜諡烈愍。作霖。

道出古泥。總兵侯性。太監龐天壽。率舟師迎由榔。會天雨。眷屬內豎。狼籍泥淖中。饑餓無人色。性供張儲峙皆備。由榔喜。封性商邱伯。以天壽掌司禮監。時從官皆不至。隨行者惟馬吉翔。各部諸司事。皆吉翔一人掌之。由榔進吉翔爵爲侯。

桂王由榔東閣大學士陳子壯以兵犯廣州。敗死。

子壯家居九江村。桂王由榔稱號。授爲東閣大學士。兼兵部尚書。總督廣東福建江西湖廣軍務。會

大兵入廣東。子壯止不行。及張家玉。陳邦彥。與新會王興潮陽賴其肖等。先後舉兵。子壯亦以是月聚兵九江村。兵多蜚戶番鬼。善戰。乃與邦彥約共攻廣州。結故指揮

使楊可觀爲內應。子壯先至。駐五羊驛。事洩。可觀等死。將引退。邦彥軍亦至。謀伏兵禺珠洲側伺。

大兵還救會城。而縱火以焚舟。子壯如其計。果焚舟數十。大兵引而西。邦彥尾之。會日暮。子壯不能辨旗幟。疑皆大兵也。陣動。

大兵順風追擊。遂大潰。子壯走還九江村。長子上庸陣歿。

邦彥奔三水。會故御史麥而炫。字章閻高明人。陷高明。迎子壯。

以故主事朱實蓮。字子潔南海人。攝縣事。而清遠指揮白常燦。

亦以城迎邦彥。與諸生朱學熙嬰城固守。邦彥自起兵。日一食。夜則坐而假寐。與其下同勞苦。故軍最强。嘗分兵救諸營之敗者。至是精銳盡喪。外無援軍。越數日城。

破。常燦死。邦彥率數十人巷戰。肩受三刃不死。走朱氏園。見學熙縊。拜哭之。旋就執。饋之食。不食。繫獄五日。就戮死。高明亦破。實蓮戰死。子壯而炫。俱執至廣州。不降。磔死。時張家玉走龍門。復募兵萬餘人。分爲龍虎犀象四營。攻據增城。大兵步騎萬餘進擊。家玉三分其兵。犄角相救。倚深溪高崖自固。大戰十日。力竭而敗。被圍數重。諸將請潰圍出。家玉歎曰。矢盡砲裂。欲戰無具。將傷卒斃。欲戰無人。烏用徘徊不決。以頸血濺敵人手哉。因徧拜諸將。自投野塘中以死。陳子壯。賜諡忠簡。陳邦彥。賜諡忠烈。麥而炫。朱實蓮。白常燦。俱。賜諡烈愍。張家玉以甲申出。謂闖賊。初節有虧。廷議不予諡。

我

大清兵克永州。

時

大兵盡定湖南地。何騰蛟趙印選胡一青奔還桂林。嚴起恒。劉湘客等亦至。城中止焦璉軍。騰蛟率諸將助守。而南安侯郝永忠忽擁眾萬餘至。與璉兵欲鬪。會宜章伯盧鼎兵亦至。騰蛟爲調劑。桂林以安。乃與瞿式耜議遣璉。永忠。鼎。印。選。一青分扼興安。靈川。永寧。義寧。諸州縣。使各自爲守。

九月。桂王由榔奔象州。

初。狼兵將覃遇春率眾淫掠。瞿式耜召至桂林斬之。由榔之走柳州也。遇春妻子迎訴。由榔復以其子鳴珂爲總兵。領父部曲。至是。鳴珂聲言復仇。與柳州守道龍文明相攻殺。文明走。鳴珂大掠城中。矢及由榔舟。由榔南

走象州。

冬十月魯王以海遣兵陷福寧州。

唐王聿鍵舊將涂登華守福寧以海遣其大學士劉中藻攻之登華欲降疑未決曰海上豈有天子舟中豈有國公錢肅樂致書曰將軍獨不聞南宋之末二帝並在海上張陸並在舟中乎登華遂以城附於以海以海復遣其兵部右侍郎林汝翥字大歲福清人文選員外郎林奎字子野汝翥同邑人以鄉兵犯福清戰敗奎歿于陣汝翥就執諭降不從繫之吞金屑而死汝翥賜諡忠節。

臣等謹案魯王竄身海外以視唐桂二王之在閩瀛流離更甚其臣如林汝翥林奎等烏合逋逃旋沒行陣亦非瞿式耜等可比乃易名鉅典並荷

褒錄。

不其厚乎
金車
卷之二十一
曠蕩隆施實從古
所未有也

我

大清兵克黎平

故明總兵蕭曠。本武昌諸生。為劉承允偏裨。何騰蛟令
管黎平叅將事。及承允降。令降將陳友龍招曠。曠不從。
已而城破。曠死之。友龍遂盡劫騰蛟眷屬以去。
曠
賜諡烈
愍。

十一月我

大清兵克沅州

故明貴州巡撫米壽圖死之。
壽圖
賜諡忠節。偏沅巡撫傅上
瑞出降。踰年與劉承允並誅死。

我

大清兵攻全州。

大兵既定湖南。進攻全州。灌陽。何騰蛟率焦璉。郝永忠。盧鼎。趙印選。胡一青等五將。合力守拒。大戰全州城下。會大兵解圍去。桂王由榔以爲騰蛟等功。加騰蛟太師。與焦璉並進爵爲侯。封趙印選新寧伯。胡一青興寧伯。

我

大清兵克梧州。

故明總兵陳邦傳在梧州。遣舟師將犯肇慶。遇

大兵游騎。輒驚潰。

大兵泝流追擊。徑上梧城。邦傳不知所爲。急遁還潯州。

大兵遂入梧州。

十二月桂王由榔還桂林。

由榔在象州。聞梧州復破。欲走南寧。瞿式耜等力爭。乃以是月初五日還桂林。以嚴起恒爲大學士。與式耜王化澄同入直。何騰蛟仍出督師。

我

大清兵克全州。

郝永忠駐全州。有言陳邦傳將襲其輜重之在會城者。永忠卽撤兵。馳還桂林。盧鼎從之。焦璉不知其故。亦倉皇走平樂。人情危駭。守全諸將議遣使請降。監軍御史周震力爭不可。衆怒。曳出斬之。

震諡忠節。賜

全州鎮道遂

舉城來附

